

Årsmelding 2020 Hjelmeland Frivilligsentral



Frivilligsentralen vert drive av Hjelmeland kommune og er organisert under kulturseksjonen med lokale i Vågahuset og har dagleg leiar i 100% stilling. Frivilligsentralen har profil på facebook, instagram, frivillig.no og [nettside](#). Hjelmeland er medlem i [Frivillig Rogaland](#) og [Norges Frivilligsentraler](#).

Kommunestyre som årsmøte for sentralen vart halde 17. juni. Hjelmeland kommune fekk i 2020 kr 427.000 overført som del av rammetilskotet frå staten fordi kommunen har ein frivilligsentral, frå og med året 2021 er tilskotet øyremerka på kr 440.000.

Desse sit i styret for Hjelmeland frivilligsentral:

Harald Ommundsen (formannskapet, vara Kristin Kostøl Helgeland, 2019-2023)
Egil Hovda (Råd for msk. med nedsett funksjonsevne 2019-2023, vara rep eldreråd)
Grethe Gauthun Olsen og Gryta Krasikoviene (representant frå frivillige 2019-2021)
Camilla Haug Flem (repr. administrasjonen, vara Martha Ommundsen, 2019-2023)
Svanhild Hjorteland Gbada (vararepresentant for frivillige 2019-2021) (møter fast)
Kulturleiar (observatør med møte og talerett)

Styret har hatt 4 styremøter: 29.1, 28.5, 10.9, 19.11 og handsama 20 saker.

Noko av frivilligsentralen sin aktivitet har vore redusert på grunn av pandemi frå midten av mars og ut året. Det har vore ein del meirarbeid med avlysing/flytting og tilrettelegging av aktivitetar. Likevel er mange aktivitetar gjennomført i følge gjeldane smittevernreglar.

Utførte delmål frå handlingsplanen; mange frivillige har fått bidratt med det dei kan!

1. Leggje til rette for å styrkje og fremme frivillige lag og organisasjonar.

Følgd opp kommunen sin [frivilligstrategi](#). Dagleg leiar er kommunens kontaktperson ovafor bygdaråda. Arrangert årleg kontaktforum i januar. [Oppdatert oversikt og kontaktinformasjon til lag og organisasjonar](#). Gitt råd til frivillige lag som vil søkje om eksterne tilskot og arrangert søknadsseminar. Delteke i referansegruppe for prosjektet Hjelmeland naturlegvis.

2. Stimulere til auka deltaking for å motverke utanforskap.

Symjekurs for vaksne vart avslutta med familietur til Suldal bad i februar i samarbeid med Røde kors.

Vore samarbeidspartnar i folkehelsearbeidet og innehatt lokal knutepunktfunksjon for [nasjonal tilskotsordning for inkludering av barn og unge](#) i samarbeid med NAV, SLT-folkehelsekoordinator, barnevern, helsestasjon.



Tur til Viglesdalen i juli

Tiltak for barn og ungdom i skuleferiane: Skyss til Breilandsvatnet på kanodag ved Turlaget. To dagar dansekurs i Vågen. To aktivitetsdagar med Usentralen. Overnattingstur til Viglesdalen. Familietur til Kongeparken. Sankefestivalen ved Turlaget. Full fart aktivitetsveke ved Idrettslaget. Familietur til Nedstrand klatrepark. Teiknekurs ved kunstlaget. Famillieturar til Suldal bad i sommar- og haustferie.

Vore samarbeidspartnar i høve til inkluderingsarbeid for flyktningar. Informasjonsarbeid og tilrettelegging slik at fleire har kunne delta i fritidsaktivitetar.

Vidareutvikla utstyrsbanken med utlån av fritidsutstyr, 95 utlån i 2020.

Vidareutvikla sykkelverkstaden som ein møtestad, 60 reperasjonar i 2020. Gjennomført sykkeldag i september med støtte frå Frivillig Rogaland. Hosam Alsousi har vore innleigd på timebasis som reperatør på sykkelverkstaden på ettermiddag/kveldstid.



Tur til Suldal bad og laksestudio i august

3. Koordinering og vidareutvikling av frivillig arbeid.

Arrangert årssamling i februar. Tur til Flørli i september i lag med Bygdekvinnelaget. Inspirasjonssamling for frivillige i desember. Rekruttert og koordinert frivillige til språkkafé, onsdagskafé Årdal omsorgssenter, open møteplass for eldre, kafe på Grøna rommet. Samarbeid med Trygg Trafikk om informasjon og forebyggjing. Markert refleksdagen. Arrangert 4 konsertar med støtte frå Tysdalsfondet på omsorgssentra og koordinert «Den kulturelle spaserstokken» 7 konsertar med støtte frå Fylkeskommunen. Koordinert NRK TV aksjonen i oktober digitalt i samarbeid med komité og bygdaråda. Koordinert strandrydding; engasjementet vart noko redusert, hovudårsaka var truleg smittevernrestriksjonar.

Møter, konferansar og eksternt samarbeid:

Årsmøte/ fagseminar Frivillig Rogaland, Rennesøy 18.2.

Samarbeid og utviklingsforum i Rogaland, Haugesund 16.-17.9.

Den kulturelle spaserstokken v/fylkeskommunen, Stavanger 27.10.

Besøk frå Suldal kommune til Hjelmeland frivilligsentral 29.10.

Digital nettverksleiarkonferanse 9.12 v/Norges Frivilligsentraler.

Hjelmeland er med 7 andre sentralar i [nettverk](#). Åsmund Sigmundstad har nettverksleiarrolla og sekretærvervet i styret for Frivillig Rogaland.

Harald Ommundsen deltok på digitalt landsmøte i Norges frivilligsentraler.